

## MENSIS EUCHARISTICUS.

---

### DIES PRIMUS.

#### PRÆPARATIO.

1. Quis venit? Christus Rex sæculorum immortalis, qui habet in vestimento et femore suo scriptum: Rex Regum, et Dominus dominantium. (*i Timoth. 1, 13.—Apoc. 19, 16.*)

2. Ad quem venit? Ad subditum suum, decem millium talentorum debitorem, qui nec obolum habet unde incipiat debitum tam ingens exsolvere. (\* *Matth. 18, 24.*)

3. Ad quid venit? Non ut miserum servum divendat, et omnia ejus accipiat; sed ut ei pretium corporis et sanguinis sui, immensum majus debito, ad solvendum tribuat.

#### ASPIRATIO.

Exulta satis filia Sion, jubila filia Jerusalem: ecce Rex tuus veniet tibi justus, et salvator. (*Zach. 9, 9.*)

## MENSIS EUCHARISTICUS.

---

### DIES PRIMUS.

#### GRATIARUM ACTIO.

1. Respic oculis fidei Christum in medio cordis tui, tanquam Regem potentissimum et benignissimum: teque veluti reum, coram eo procidentem, et rogantem: Patientiam habe in me, et omnia reddam tibi. (*Math. 12, 26.*)

2. Dilige eum ex toto corde tuo, ita ut desiderio, et firmo proposito tuo, nihil illi contrarium velis, nihil illi anteponas aut æques, nihil quod ad illum actu vel virtute, non tendat, diligas.

3. Pete ab eo spiritum fortitudinis, ut divinum honorem contra insidiatores ejus, tanquam subditus fidelis, usque ad sanguinem tuearis.

#### ASPIRATIO.

Tu es ipse Rex meus, et Deus meus, qui mandas salutes Jacob. In te inimicos nostros ventilabimus cornu, et in nomine tuo spernemus insurgentes in nobis. (*Psalm. 43, v. 5, 6.*)

## DIES II.

## PRÆPARATIO.

1. Quis venit? Christus Dominus, qui ser-  
vis suis jugum suave, et onus leve suorum  
mandatorum et consiliorum imponit; ac  
pro momentaneis obsequiis æternam glo-  
riam pollicetur. (*Matth. 11, 20.*)

2. Ad quem venit? Ad servum suum con-  
tumacem, qui a sæculo confregit jugum  
ipsius, rupit vincula ejus, et dixit: Non ser-  
viam. (\* *Jerem. 2, 20.*)

3. Ad quid venit? Ut e funiculis Adam  
trahat eum in vinculis charitatis; ereptum-  
que a passionum pago, in servitatem suam,  
omni imperio feliciorem, reducat. (\* *Osee,*  
*11, 4.*)

## ASPIRATIO.

Et unde hoc mihi, ut Dominus meus et  
Filius Dei mei veniat ad me? (\* *Luc. 1,*  
*43.*)

## DIES II.

## GRATIARUM ACTIO.

1. Respice oculis fidei Christum in medio  
cordis tui tanquam Dominum tuum, qui  
emit te pretio magno: teque veluti servum  
eius fugitivum, qui ad ipsum per novum  
fervorem vis redire. (\* *1 Cor. 6, 20.*)

2. Dilige eum ex tota anima tua, ita ut  
sis unus ex illis qui aiebant: Nemo nostrum  
sibi vivit, et nemo sibi moritur: sive enim  
vivimus, Domino vivimus; sive morimur,  
Domino morimur. (*Rom. 14, 7 et 8.*)

3. Pete ab eo spiritum timoris Domini, ut  
omne peccatum vel levissimum fugias, et ip-  
sum solum casto affectu timeas.

## ASPIRATIO.

Infige, Domine, pedem meum in compe-  
des tuos, et in torques tuos collum meum.  
(*Eccli. 6, 25.*)

## DIES III.

## PRÆPARATIO.

1. Quis venit? Christus magister, qui docet nos utilia, qui prius fecit quæ docuit, et ad faciendum quod docet gratiam impertit. (\* *Isa. 48, 17.*)

2. Ad quem venit? Ad discipulum insimæ classis, qui nunquam, aut sero ad audiendum doctrinam virtutum venit, et cito per animi levitatem ab auditis discedit.

3. Ad quid venit? Ut sint oculi tui videntes Præceptorem tuum, et aures tuæ audiant verbum, post tergum, ( hoc est ) velamen accidentium, monentis : hæc est via (conversatio Christi), ambulate in ea. (*Isa. 30, 20.*)

## ASPIRATIO.

Venite et ascendamus ad montem Dei Jacob, et docebit nos vias suas. (*Isa. 2, 3.*)

## DIES III.

## GRATIARUM ACTIO.

1. Respice oculis fidei Christum in medio cordis tui, tanquam magistrum tuum, qui te viam perfectionis docet, et in agendis ac omittendis erudit : teque velut alteram Magdalenum, sedentem secus pedes ejus, audiensem verbum ipsius, et illud unum quod est necessarium addiscentem. (*Luc. 10, 39, 42.*)

2. Dilige eum ex tota mente tua, ita ut sanctis cogitationibus jugiter illi adhæreas, et ad capienda celestia tranquillitatem ac puritatem mentis inquiras.

3. Pete ab eo spiritum scientiæ, ut falsa scias a veris discernere, et fidei dictamina constanter teneas.

## ASPIRATIO.

Vias tuas, Domine, demonstra mihi, et semitas tuas edoce me. (*Psal. 24, 4.*)

## DIES IV.

## PRÆPARATIO.

1. Quis venit? Christus amicus fidelis, cui nulla est comparatio; qui a nobis desertus et irritatus nunquam nos deserit, sed ex inimicis, suo sanguine, amicissimos fecit. (\* *Eccli. 6, 15.*)

4. Ad quem venit? Ad infamem proditorum, qui toties ejus amicitiam contempsit, ejus gratiæ peccatum prælulit, ejus familiaritatem cum vanissimis hominum colloquiis commutavit!

3. Ad quid venit? Ut sit amicus fidelis, protectio fortis; quo invento, thesaurum inveniat; et ut eum sibi intimius per amorem copulet. (\* *Eccli. 6, 14.*)

## ASPIRATIO.

Ostende mihi faciem tuam, sonet vox tua in auribus meis: vox enim tua dulcis, et facies tua decora. ( *Cantic. 2, 14.* )

## DIES IV.

## GRATIARUM ACTIO.

1. Respic oculis fidei Christum in medio cordis tui, tanquam amicum fidelissimum, qui te servulum suum ad amicitiam suam extulit: teque velut amicum mensæ, aut potius vilem mercenarium, qui cum consolatione recipis, eum diligis; cum ad emendationem flagellaris, in dilectione torpescis.

2. Dilige eum ex omnibus viribus tuis, ita ut vires et potentias animæ tuæ, sensus et organa corporis tui, in unione virium et sensuum ejus, Deo offeras, et illis semper in obsequium ipsius uti constitucas.

3. Pete ad eo spiritum consilii, ut apta remedia ad salutem animæ tuæ, et aliorum, de quibus curam geris, eligere scias.

## ASPIRATIO.

Dilectus meus mihi, et ego illi. Ego dilecto meo, et ad me conversio ejus. ( *Cantic. 2, 16. — Ibid. 7, 10.* )

## DIES V.

## PRÆPARATIO.

1. Quis **venit?** Christus frater, qui cum sit verus Deus, et Dominus hominum, non confunditur fratres eos vocare, dicens: Nuntiabo nomen **tuum** fratribus meis. (*Hebr. 2, 11. — Psal. 21, 23.*)

2. Ad **quem** venit? Ad fratrem, ipsius fratricidam, **qui**, cen alter Cain, Abel iustum in agro **hujus** mundi peccatis appetit, et impie confecit.

3. Ad quid **venit?** Ut fratricidam hunc in vita spirituali, quam ante dederat, conservet, et non **vagum** et profugum super terram esse dimittat. (\* *Gen. 4, 12.*)

## ASPIRATIO.

Quis mihi **det** te fratrem meum, sugen-  
tem ubera matris meæ, ut inveniam te foris,  
et deosculer **te**, et jam me nemo despiciat.  
(*Cant. 8, 1.*)

## DIES V.

## GRATIARUM ACTIO.

1. Respice oculis fidei Christum in medio cordis tui, ut fratrem tuum natu majorem, et primogenitum in multis fratribus: teque ut fraterculum ejus merito minimum, seu potius tali nomine prorsus indignum, cum sis illi vita et moribus valde dissimilis. (*Rom. 8, 29.*)

2. Dilige eum ex tota virtute tua, ita ut omni conatu tuo consilia et exempla fratris tui primogeniti fideliter impleas.

3. Pete ab eo spiritum intellectus, ut abditos sacræ Scripturæ sensus intelligas et explanes.

## ASPIRATIO.

Hoc uno tantum indigo, ut inveniam gratiam in conspectu tuo, Domine mi et frater mi. (*Gen. 33, 15.*)

## DIES VI.

## PRÆPARATIO.

1. Quis venit? Christus Pater futuri sæculi, qui voluntarie genuit nos verbo veritatis; Pater misericordiarum, et Deus totius consolationis, qui tenerime nos amat, et filios vocat. (*Isa. 9, 6. — Jacob. 1, 18. — 2. Cor. 1, 3.*)

2. Ad quem venit? Ad prodigum filium, qui peregre profectus est in regionem longinquam oblivionis Dei, et ibi dissipavit bona ipsius, vivendo, si non luxuriose, at inaniter et inutiliter. (\* *Luc. 15, 13.*)

3. Ad quid venit? Ut hunc prodigum filium ad se revertentem amplectatur et osculetur, nota gratia ac donis coelestibus ornnet, convivio corporis et sanguinis sui reficiat, atque in domo gloriae sue hæreditatis æternæ possessorem constituat. (*Ibid. v. 20 et seq.*)

## ASPIRATIO.

Quanti mercenarii in domo patris mei abundant panibus! Ego autem hic fame pereo. Surgam et ibo ad patrem meum. (*Luc. 15, 17.*)

## DIES VI.

## GRATIARUM ACTIO.

1. Respic oculis fidei Christum in medio cordis tui, tanquam Patrem piissimum, qui te in cruce summis doloribus genuit: teque veluti errabundum filium, ex longa peregrinatione ac miserrimo statu, ad ipsum redeuntem, atque ab ipso benignitate incredibili exceptum.

2. Dilige eum ex tota fortitudine tua, ita ut propter illum vitam, et salutem corporis, divitias, voluptates et honores despicias, ac sine creaturis vivere assuescas.

3. Pete ab eo spiritum pietatis, ut obsequio tanto ac tali Patri debita solerter inquiras, et eminenter præstes.

## ASPIRATIO.

Pater, peccavi in Cœlum, et coram te: jam non sum dignus vocari filius tuus; fac me sicut unum de mercenariis tuis. (*Luc. 15, v. 18, 19.*)

## DIES VII.

## PRÆPARATIO.

1. Quis venit? Christus Sponsus, qui dixit: Sponsabo te mihi in sempiternum : et sponsabo te mihi in justitia, et judicio, et in misericordia, et in miserationibus : et sponsabo te mihi in fide. (*Ose. 2, v. 19, 20.*)

2. Ad quem venit? Ad infidam sponsam suam, quæ fornicata est cum amatoribus multis super omnem mentem excelsum, et sub omni ligno frondoso; per superbiam scilicet et cupiditatem, vilissimis adhærendo creaturis. (*Jer. 3, 1.*)

3. Ad quid venit? Non ut det ei libellum repudii, sed ut sibi iterum despondeat eam, et ponat signum in faciem ejus, ne ullum, præter ipsum, amatorem admittat.

## ASPIRATIO.

Prudentes virgines, surgite, et ornate vestras lampades : ecce Sponsus venit, exite obviandum ei. (\* *Math. 25, v. 6 et 7.*)

## DIES VII.

## GRATIARUM ACTIO.

1. Respic oculis fidei Christum in medio cordistui, tanquam sponsum amabilissimum, qui animam tuam, projectam super faciem terræ, nudam et confusione plenam, sponte nee dilexit : animamque tuam, veluti sponsam ejus ipso tot vinculis copulatam, et tot donis ad redamandum illectam. (\* *Ezech. 16, v. 5, 7. — O. 14, 5.*)

2. Dilige eum ex tota libertate tua, ita ut tui corporis et animi potestatem non habeas, sed Sponsus tuus, qui potestatem tibi fecit corporis et sanguinis sui. ( *1 Cor. 7, 4.* )

3. Pete ab eo spiritum sapientiæ, ut quid quid in Deo est intimius, nempe essentiam, attributa, processiones et decreta scruteris, ad majorem ipsius amorem in te excitandum.

## ASPIRATIO.

Gaudens gaudebo in Domino, et exultabit anima mea in Deo meo : quia induit me vestimentis salutis, et indumento justitiae circumdedit me, quasi sponsam ornatam monilibus suis. (*Isa. 61, 10.*)

## DIES VIII.

## PRÆPARATIO.

1. Quis venit? Christus, Sol justitiae, et splendor gloriæ; lux vera, quæ illuminat omnem hominem venientem in hunc mundum. (*Malach. 4, 2. — Hebr. 1. — Joan. 1, 9.*)

2. Ad quem venit? Ad cæcum hominem, ambulantem in tenebris, et habitantem in regione umbræ mortis, dolentemque quod lumen cœli non videat. (\**Isa. 9, 2. — \*Tob. 5, 12.*)

3. Ad quid venit? Ut signet super eum lumen vultus sui, suaque doctrina et exemplo luceat ei, quasi lucerna in caliginoso loco, donec dies æternitatis elucescat, et lucifer gloriæ oriatur in corde ejus. (\**Psalm. 4, 7. — \*2 Petr. 1, 19.*)

## ASPIRATIO.

Surge, illuminare Jerusalem, quia venit lumen tuum: super te orietur Dominus, et gloria ejus in te videbitur. (*Isa. 60, v. 1, 2.*)

## DIES VIII.

## GRATIARUM ACTIO.

1. Respic oculis fidei Christum in medio cordis tui, tanquam candorem lucis æternæ, illuminantem abscondita tenebrarum: teque veluti cæcum illum quem jussit Jesus adduci ad se, orantem, et dicentem: Domine, ut videam. (*Sap. 7 26. — 1 Cor. 4, 5. — Luc. 18, 41.*)

2. Dilige eum præ oculis tuis, et præ omni quod est aspectu delectabile, ita ut statuas avertere oculos tuos, ne videant vanitatem. (*Psal. 118, 37.*)

3. Pete ab eo fidei donum electum, ut quæ agenda sunt videoas, et ad agenda quæ videris convalescas. (*Sap. 3, 14.*)

## ASPIRATIO.

Quoniam tu illuminas lucernam meam, Domine, Deus meus illumina tenebras meas. (*Psal. 17, 29.*)

## DIES IX.

## PRÆPARATIO.

1. Quis venit? Christus viaticum peregrinantis ad beatam Sion; pharmacum immortalitatis, et pignus æternæ gloriæ, quod non minus est quam ipsa gloria promissa.

2. Ad quem venit? Ad advenam et peregrinum, qui non habet hic manentem civitatem, sed futuram inquirit. (\* *Hebr.* 13, 14.)

3. Ad quid venit? Ut ceu alter Elias, ambulet in fortitudine cibi hujus per obseruantiam mandatorum, diebus prosperatum, et noctibus adversitatum, usque ad montem Dei. (\* *Reg.* 19, 8.)

## ASPIRATIO.

Auribus percipe lacrymas meas, ne si leas: quoniam advena ego sum apud te, et peregrinus, sicut omnes patres mei. (*Psal.* 38, 13.)

## DIES IX.

## GRATIARUM ACTIO.

1. Respice oculis fidei Christum in medio cordis tui, ut provisorem itineris tui ad promissam terram, pluentem tibi manna ad manducandum: teque ut peregrinum in deserto hoc cœleste manna colligentem per singulos dies, donec æternum comedas de beatis frugibus terræ illius. (\* *Psal.* 77, 24.)  
— \* *Josue*, 5, 14.)

2. Dilige eum præ omnibus odoramentis aromatum, et florum fragrantia, sic, ut post ipsum solum curras in odorem unguentorum, id est, exemplorum suorum; donec introducat te Rex in cellaria sua. (\* *Cant.* 1, 3.)

3. Pete ab eo donum spei firmissimæ, ut fidenter dicas: In pace in idipsum dormiam, et requiescam: quoniam tu, Domine, singulariter in spe constituisti me. (*Psal.* 4, 10.)

## ASPIRATIO.

Lætatus sum in his quæ dicta sunt mihi: in domum Domini ibimus. Stantes erant pedes nostri in atriis tuis, Jerusalem. (*Psal.* 121, v. 1, 2.)

## DIES X.

## PRÆPARATIO.

1. Quis venit? Christus conviva, et convivium; convivium pinguium, convivium vindemiæ; pinguium medullatorum, vindemiæ defæcatæ. (*Isa. 25, 6.*)

2. Ad quem venit? Ad hominem tam ex celo convivio prorsus indignum.

3. Ad quid venit? Ut hoc convivio sagi natus, insuaves ac noxios mundi hujus cibos fastidiat; et cœnam nuptiarum Agni, cuius eucharistica typus est, duntaxat anhelet. (\* *Apoc. 19, 9.*)

## ASPIRATIO.

Quis det de carnibus ejus, ut saturemur? Caro enim ejus vere est cibus, et sanguis ejus vere est potus. (*Job. 31, 31. — \* Joan. 6, 56.*)

## DIES X.

## GRATIARUM ACTIO.

1. Rescipe oculis fidei Christum in me dio cordis tui, speciebus eucharisticis veluti præcinctum, et ministrantem tibi cibum qui permanet in vitam æternam: teque, hunc sua vissimum cibum ad satietatem edentem, et adhuc ex amore esurientem. (\* *Luc. 12, 39. — Joan. 6, 27. — Eccl. 24, 29.*)

2. Dilige eum præ omni dulcedine, et ci borum suayitate: ita ut a gulosis excessibus te temperans, incipias gustare, et videre quam suavis sit Dominus. (\* *Psal. 33, 9.*)

3. Pete ab eo donum charitatis ferventissimæ, ut solus Deus tibi sapiat, et omne quod Deus non est desipiat tibi.

## ASPIRATIO.

Quis ego sum servus tuus, quoniam res pexisti super canem mortuum similem mei, et posuisti me inter convivas mensuæ tuæ? (\* *Reg. 9, 8. — Reg. 19, 28.*)

## DIES XI.

## PRÆPARATIO.

1. Quis venit? Christus hospes jucundissimus, qui quotidie hospitatur, et pascit, et potat ingratos, et ad hæc amara audit; qui etiam nunc stat ad ostium cordis tui, et pulsat. (\* *Ecli.* 29, 32. — \* *Apoc.* 3, 20.)

2. Ad quem venit? Ad ingratam animam tuam, de qua questus est: Hospes eram, et non collegisti me, nempe ut terrenis affectibus locum dares. (*Matth.* 25, 43.)

3. Ad quid venit? Ut audiente te vocem ejus, et aperiente ei cordis tui januam, intret ille ad te, mutuam datus, et accepturus cœnam. (\* *Apoc.* 3, 20.)

## ASPIRATIO.

Festinans descendit (per humilitatem), quia hodie in domo tua oportet me manere. Ingredere, benedicte Domini, cur foris stas? Præparavit domum. (*Luc.* 19, 5. — *Gen.* 24, 31.)

## DIES XI.

## GRATIARUM ACTIO.

1. Respice oculis fidei Christum in medio cordis tui, tanquam hospitem humanissimum, colloquia super mel et favum dulcia tecum miscentem, teque, quasi villicum, tam magni hospitis præsentia nobilitatum.

2. Dilige eum super omnem melodiam, et omne quod auribus blandiatur; ita ut obsurdescas ad vocem eorum qui narrant tibi fabulationes, sed non ut lex Dei tui. (*Psal.* 118, 85.)

3. Pete ab eo virtutem prudentiæ, ut jam non sis parvulus fluctuans, et circumferaris omni vento doctrinæ, in nequitia hominum, in astutia, ad circumventionem erroris. (*Ephes.* 4, 14.)

## ASPIRATIO.

Non habet amaritudinem conversatio illius, nec tedium convictus illius, sed lætitiam et gaudium. (*Sap.* 8, 16.)

## DIES XII.

## PRÆPARATIO.

1. Quis venit? Christus dilectus candidus, et rubicundus : candidus sub speciebus panis; rubicundus sub speciebus vini; electus ex millibus, et totus desiderabilis. (*Cant. 5, v. 10, 16.*)

2. Ad quem venit? Ad dilectam suam, quam ex amoris nimietate vocant columbam suam, formosam suam, pulchram, immaculatam; non quia talis est, sed quia talem ipse desiderat. (*In Canticis sæpe.*)

3. Ad quid venit? Ut osculetur eam, osculo oris sui Eucharistici, et introducat eam in cellaria vulnerum suorum, et ibi loquatur ad cor ejus amores suos. (\* *Cant. 1, v. 1, 3. — Ose. 2, 14.*)

## ASPIRATIO.

Adjuro vos, filiæ Jerusalem, si inveneritis dilectum meum, ut nuntietis ei quia amore langueo. (*Cant. 5, 8.*)

## DIES XII.

## GRATIARUM ACTIO.

1. Respice oculis fidei Christum in medio cordis tui, ut dilectum tuum, tuos amplexus et oscula postulantem : teque ut inamabilem dilectam ejus, quæ toties vagata es post gressos sodalium tuorum. (\* *Cant. 1, 6.*)

2. Dilige eum super omnes brutas et insanias carnis voluptates, ita ut carnem tuam crucifigas cum vitiis et concupiscentiis suis. (\* *Galat. 5, 24.*)

3. Pete ab eo virtutem temperantiae, ut omnes motus concupiscentiae regas et comprimas, atque in omnibus modum tenere scias.

## ASPIRATIO.

Inveni quem diligit anima mea : tenui eum, nec dimittam. (*Cant. 3, 4.*)

## DIES XIII.

## PRÆPARATIO.

1. Quis venit? Christus haeres locupletissimi Patris, qui propter nos egenus factus est, cum esset dives, ut illius inopia nos dicitur essemus. (*2 Cor. 8, 9.*)

2. Ad quem venit? Ad mendicum Lazarum, jacentem ad januam ipsius, ulceribus plenum, et cupientem saturari de micis quæ cadunt de mensa Divitis hujus. (*\* Luc. 16, v. 20, 21.*)

3. Ad quid venit? Ut conjiciat in sinum ejus mensuram bonam, et confertam, et coagitatam, et supereffluentem gratiarum suarum. (*\* Luc. 6, 38.*)

## ASPIRATIO.

Ecce sicut oculi servorum in manibus dominorum suorum, sicut oculi ancillæ in manibus dominæ suæ: ita oculi nostri ad Dominum Deum nostrum, donec misereatur nostri. (*Psal. 122, 2.*)

## DIES XIII.

## GRATIARUM ACTIO.

1. Respice oculis fidei Christum in medio cordis tui, divitias sui amoris in te veluti effundentem: teque ut pauperculum, tuas illi miserias et indigentias aperientem.

2. Dilige eum præ omnibus mundi pompis, et divitiis, ita ut quæ tibi aliquando fuerunt lucra, hæc detrimenta facias, et arbitreris ut stercore, ut ipsum lucifacias. (*Philip. 3, v. 7 et 8.*)

3. Pete ab eo virtutem justitiae, ut, citra omnem avaritiam, reddas quæ sunt Cæsaris Cæsari, quæ sunt Dei Deo. (*\* Matth. 22, 21.*)

## ASPIRATIO.

Venite, audite, et narrabo, omnes qui timetis Deum, quanta fecit animæ meæ. Ad ipsum ore meo clamavi, et exaltavi sub lingua mea. (*Psal. 65, v. 16 et 17.*)

## DIES XIV.

## PRÆPARATIO.

1. Quis venit? Deus absconditus, Deus Israel Salvator, qui deposita majestate mutavit habitum, ut ad te et apud te familiarius diverteret. (*Is. 45, 15.* — \*<sup>3</sup> *Reg. 22, 30.*)

2. Ad quem venit? Ad hominem, quem etiam absconditum cupit, dicens ei: Intra in cubicula tua, claudere ostia tua super te, abscondere modicum ad momentum. (*Is. 26, 20.*)

3. Ad quid venit? Ut abscondat eum in abscondito faciei suæ a conturbatione hominum, ducat eum in solitudinem, et loquatur ad cor ejus, et manifestet ei seipsum.

\* *Psalm. 30, 21.* — *Ose. 2, 14.* — \*<sup>2</sup> *Joan. 14, 21.*)

## ASPIRATIO.

Si inveni gratiam in conspectu tuo, ostende mihi faciem tuam, ut sciam te. (*Exod. 33, 13.*)

## DIES XIV.

## GRATIARUM ACTIO.

1. Respice oculis fidei Christum in medio cordis tui, porrigitatem tibi Manna absconditum, quod nemo scit, nisi qui accepit: teque in ejus gremio gloriose delitescentem. (*Apocal. 2, 17.*)

2. Dilige eum præ omnibus honoribus et dignitatibus, ita ut gloria tua in hac vita non sit alia, quam amore ipsius latere, et abjectum esse.

3. Pete ab eo virtutem fortitudinis, ut non contemplans ea quæ videntur, sed quæ non videntur, terrena omnia tanquam vilia contemnas, difficilia et ardua superes, et semper in magna et excelsa tendas. (\*<sup>2</sup> *Cor. 4, 18.*)

## ASPIRATIO.

Quis dabit mihi pennas sicut columbae, et volabo, et requiescam? Ecce elongavi fugiens, et mansi in solitudine. (*Psal. 54, v. 7 et 8.*)